

nuerunt interdictum pluribus annis et adhuc finem non videmus. Item circa annos Domini M^oCCC^oLXXVij^o in urbe Romanorum Urbanus sextus est electus in summum pontificem, contra quem quidam suus¹ cardinalis, qui sacramenta de manu eius² acceperat, et sibi obedienciam fecerat, ex instinctu spiritus maligni in Avinion³ c. in antipapam se⁴ coronare⁵ permisit, et se⁶ Clementem nominare⁷ fecit, et tunica Domini inconsutilis per hoc scinditur, de quibus magnas (!) errores in fide oriuntur⁸, de fine istius facti nichil ad presens dicere possum. Eciam circa presens tempus duo, unus de nobili progenie videlicet de marchionibus Mycie episcopus Babenbergensis, alter de progenie Nassowe episcopus Spirensis, litigabant pro archiepiscopatu Maguntinensi, de qua litigacione multa mala evenerunt, sed Spirensis obtinuit. Nota legens, que et qualia iste sanctissimus Anno prenosticaverat, et si omnia et singula, que tangunt suam⁹ prophetiam, que vidimus et videmus, enarrare deberem, non sufficerem complere volumine magno (!). Sed revertar ad propositum; duo viri, de quibus supra mencionem feci, unus dominus Tilemannus de Smalenborch decanus sancte Marie ad gradus Coloniensis, alter dominus Rotgerus de Afflen prior monasterii in Grasscaph, quos laudare non audeo, sicut bene eis dicet¹⁰, quia scriptum est: 'Ne laudaveris hominem in vita sua'. Et licet quod¹¹ sanctus Anno fundaverat¹² ecclesiam sancte Marie ad gradus et cenobium in Grasscaph, tamen de suis¹³ sanctissimis reliquiis nil habuerunt. De quo viri predicti dolentes cum magna subtilitate et labore apud dominum abbatem Sybergensem obtinuerunt, quod predictus abbas cum consensu suorum confratrum capsam sancti Annonis aperuit, et eis de reliquiis predictis participacionem contulit, quas cum magna reverencia et gaudio susceperunt deducendo Colonie¹⁴ clero ac populo obviante Deum et sanctum Annonem laudantes. Post hec prior predictus ea, que sibi erant commissa, de Colonia Wormbeke duxit, donec se prepararet Theodericus de Snellenbergh abbas in Grasscaph cum suis confratribus et cum vicinis presbiteris, ut¹⁵ honorifice reliquias predictas per opidum Smalenborch ad monasterium Grasscaph portarent, quod fecerunt sub anno Domini M^oCCC^oLXXiiij^o, feria tertia post octavas festi Penthecostes¹⁶, presentibus domino G. decano in

1) Andere Hand: 'ipsius'. 2) Andere Hand, Zusatz. 3) 'Avenionensi civitate', andere Hand. 4) Andere Hand, Zusatz. 5) Andere Hand corr. 'coronari'. 6) 'se' von anderer Hand durchstrichen. 7) Corr. 'nominari'. 8) Andere Hand darüber: 'Et magnae oriuntur inter fideles dissensiones'. 9) Corr. andere Hand: 'ipsius'. 10) Darüber: 'merentur'. 11) Von anderer Hand durchstrichen. 12) Corr. 'fundaverit'. 13) Corr. 'ipsius'. 14) Corr. 'Coloniam'. 15) Von späterer Hand ergänzt. 16) 21. Mai.